

1348
Justinopolit-
anorum
defectio Ven-
eta arma
in Histriam
ciet.

præfecto ad Justinopolim recipiendam maritimas terrestresque copias Veneti instruxere. Trajecta in provinciam classe, parvo negotio Histri imperium recepere. Auctores defectionis, ne alicujus postea motus causa essent, Venetias abducti: unde si injussu Patrum abiissent, capitalis dicta erat illis poena. Per hæc quoque tempora Albertus Croatorum regulus, Histriae urbes excursionibus & latrociniiis infestans, Veneta in se arma irritavit. Ad eam injuriam ulciscendam novæ sunt copiae conscriptæ, bellumque subito Alberto illatum. Missi Patricii duo, qui communi consilio bellum administrarent, ac cætera quæ e Republica essent, in castris providerent. Ad primos motus territus barbarus legatorum fidem imploravit, a quibus permissum est, ut Venetias ad Principem & Senatum iret. Ad quos quum ille supplex venisset, etsi justam in eum iram Patres habebant, ne tamen sui moris obliti viderentur, veniam dederunt, aliquot oppidis illi prius ademptis, quæ, ne latro-num receptacula, ut antea, essent, dirui mandarunt. Legatos, quia bellum ex sententia Patrum non fuerant executi, ubi domum venire, damnatos, ærariosque factos, Carefinus tradit: qui Dalmaticum hunc motum unus omnium memoriæ prodidit.

Tertii Li-
gustici belli
causæ.

Haud quidem multo ab hinc tempore cœptum est tertio cum Genuensibus bellari: sed belli causa, ut sæpe alias, ab eorum injuria profecta dicitur. Tenebant illi ea tempestate maritima quædam Pontici maris oppida: atque ob id jam inde, ex quo Venetorum opes Byzantio a Palæologo ejectæ fuerant, cogitare cœperunt, qua vi, quave arte Venetis negociatoribus Pontici maris cursum occluderent. Erant itaque tum alibi Venetis infesti, tum circa Protosperum, quod oppidum illi in eo tractu tenebant. Hic Cretenses Venetasque naves adepti, in apertam injuriam proruperunt: eas interceptas magno negociatorum incommodo, majore ignominia, Caphata retrahendas curarunt. Carefinus Caphatino portu naves illas oppressas tradidit. Repetitis itaque per legatos rebus, nec redditis, Patres validissimam in Genuenses decernunt classem: in Dalmatia ali-